

Broj: 1997 -07/25
Mostar, 02. 07. 2025. godine

Na osnovu člana 64. st.1. tačka (b) i člana 70. Zakona o javnim nabavkama („Službeni glasnik BiH" broj: 39/ 14, 59/22 i 50/24), a u skladu sa rezultatima javne nabavke i preporukom Komisije za javnu nabavku datoj u Zapisniku o pregledu i ocjeni ponuda br. 1993-07/25, u otvorenom postupku javne nabavke: „Nabavka motornih vozila za potrebe Radne jedinice 2“, izvršni direktor ugovornog organa donosi:

ODLUKU **o izboru najpovoljnijeg ponuđača**

Član 1.

Prihvata se preporuka Komisije za javne nabavke konstatovana u Zapisniku o pregledu i ocjeni ponuda broj: 1993-07/25, te se ugovor za nabavku motornih vozila za potrebe Radne jedinice 2 dodjeljuje ponuđaču: **AUTO NUIĆ D.O.O., sa sjedištem na adresi Bišće polje bb, 88 000 Mostar, ID broj: 4227415270002**, koji je za nabavku gore navedene robe ponudio ukupnu cijenu (s bez PDV-a) u iznosu od: **109.974,36 KM (stodevethiljadadevestotinasedamdesetčetiri KM i 36/100) i rok isporuke od 120 (stotinudvadeset) dana.**

Član 2.

Ugovorni organ će pozvati izabranog ponuđača na potpisivanje ugovora kojim će regulisati međusobna prava i obaveze vezane za predmetnu nabavku po isteku roka od 15 dana od dana kada su ponuđači obaviješteni o izboru najpovoljnijeg ponuđača, a sve u skladu s odredbama člana 98. stav (1) Zakona o javnim nabavkama.

Član 3.

Ova Odluka stupa na snagu danom donošenja i objavljuje se na web stranici ugovornog organa, istovremeno sa upućivanjem ponuđačima koji su učestvovali u postupku nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 1635-05/25 od 26.05.2025.godine. Javna nabavka je provedena putem otvorenog postupka javne nabavke. Procijenjena vrijednost nabavke iznosila je 130.000,00 (stotridesethiljada) KM. Obavještenje o nabavci objavljeno je na Portalu javnih nabavki pod brojem **1393-1-1-34-3-36/25**, objavljeno na Portalu javnih nabavki na dan 30. 05. 2025. godine, te u Službenom glasniku BiH br.34/25 od 09.06.2025.godine. Nakon objave obavještenja, ponuđači su tendersku dokumentaciju mogli preuzeti putem portala Javnih nabavki. Komisija za javnu nabavku, imenovana Odlukom o imenovanju broj: 1078-03/25 od 21.03.2025.godine, blagovremeno i pravilno je izvršila otvaranje i ocjenu prispjelih ponuda, o čemu je sačinila odgovarajući zapisnik. U zapisniku je utvrđeno da je blagovremeno pristiglo ukupno 2 (dvije) ponude, i to od sljedećih ponuđača:

Red. br.	Naziv i sjedište ponuđača
1.	GUMA M D.O.O. MOSTAR
2.	AUTO NUIĆ D.O.O. MOSTAR

U postupku nije bilo neblagovremeno zaprimljenih ponuda.

Komisija je sačinila Zapisnik o pregledu i ocjeni ponuda broj: 1993-07/25, sa preporukom za odabir najpovoljnijeg ponuđača, koji je dat u prilogu ove Odluke.

U Zapisniku je konstatovano da je ekonomski najpovoljnija ponuda ponuđača AUTO NUIĆ D.O.O. Mostar, sa ukupnom cijenom od 109.974,36 KM bez uračunatog PDV-a i rokom isporuke od 120 dan, te je shodno tome data preporuka da se ugovor dodijeli navedenom ponuđaču.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanost ponuđača te ocjenu prispjelih ponuda, u skladu s kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima, internim aktima ugovornog organa i uslovima iz tenderske dokumentacije.

Uvidom u priloženu dokumentaciju nesporno je da je izabrani ponuđač Auto Nuić d.o.o. Mostar, sa sjedištem na adresi Bišće polje bb, 88 000 Mostar, ID broj: 4227415270002, dostavio ponudu koja je primljena u roku, ocijenjena kao kvalifikovana, te je provorangirana sa najvećim brojem ostvarenih bodova po kriteriju ekonomski najpovoljnija ponuda.

Shodno navedenom, odlučeno je kao u dispozitivu Odluke.

UPUTSTVO O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke, ima pravo podnijeti žalbu protiv ove Odluke, najkasnije u roku od 10 (deset) dana od njezinog prijema. Žalba se ulaže ugovornom organu u pisanom obliku, u dovoljnom broju primjeraka koji ne može biti manji od 3 (tri), kako bi ista mogla biti uručena izabranom ponuđaču ili drugim strankama u postupku.



Izvršni direktor:

dipl.ing.građ. Zineta Muraspahić

Prilog:

- Zapisnik o pregledu i ocjeni ponuda br.1993-07/25, sa priložima

Dostaviti:

- Web stranica ugovornog organa
- Ponuđačima koji su učestvovali u predmetnoj nabavci (x2)
- U spis nabavke
- a/a